

# Gracija

Prvi BH magazin za savremenu ženu  
Broj 238 23.05.2014. Cijena 2,5 KM

www.gracija.ba



**ALENA DŽEBO**  
Kad ti Amerika  
zakuca na vrata

**DORAJA EBERLE**  
Graditeljica  
velikog srca

**CANNES**  
Tenk na  
crvenom  
tepihu

**KATASTROFALNE POPLAVE U BIH**

**HEROJI  
VELIKI I MALI**

ISSN 1840-071X



**HRVOJE RUPČIĆ • MARIJA VICKOVIĆ • OGNJEN AMIDŽIĆ •  
CRISTIANO RONALDO • JELENA PAUNOVIĆ • MIRELA IMŠIRIJA**



Doraja Eberle je angažirana na pomoći povratnicima u Srebrenicu



Napisala **Mersiha Drinjaković**  
Snimci **Majda Balić i Dejan Petrović**

# DORAJA EBERLE

# Graditeljica velikog srca

Austrijska humanitarka Doraja Eberle, prva žena organizacije "Farmeri pomažu farmerima", koja već 18 godina dolazi u Srebrenicu, sredinom je maja sa svojim timom gradila montažne kuće u srebreničkim selima

Njezina životna filozofija mogla bi se svesti na rečenicu: "Uvijek sam govorila *da*, ne znajući kakve će biti posljedice." Doraja Eberle (59), austrijska humanitarka koja je na čelu organizacije "Farmeri pomažu Farmerima" i prva žena Fondacije Erste, po vokaciji je socijalna radnica. I valjda u tom njenom primarnom zanimanju treba tražiti razloge koji su je nagurali da pomjera granice humanosti. Četiri su je stvari obilježile kao osobu: usvajanje dvoje djece, osnivanje organizacije "Farmeri pomažu Farmerima", ulazak u politiku i prihvatanje ponude da postane prva žena Fondacije Erste. Za svaki je potez trebalo hrabrosti, ali svaka joj se odluka isplatila jer je na umu imala dobrobit drugih. Ona je timski igrač, voli raditi s ljudima, a i jako je uvjerljiva kad druge treba ubijediti da pomognu kome treba. Ljudi su joj važni. Upravo je zato okupila tim i dovela ga u Srebrenicu, u selo Likari, gdje su pomagali praviti montažne kuće. Što nije ništa neobično: Doraja to radi od polovine 90-ih.



Dorajin tim je u srebreničkom selu Likari pomogao u pravljenju montažnih kuća

## Najljepši dar

Doraja Eberle odrastala je u velikoj porodici. Njezini roditelji su imali desetero sinova i kćerki, a "visoku stopu nataliteta" su objašnjavali činjenicom da je bilo dovoljno da "otac uđe u sobu pa da majka zatrudni", priča Doraja porodičnu šalu. "Ja nisam bila u toj situaciji. Bila sam socijalna radnica i usvajanje je bilo dio mog radnog procesa. Odlučila sam da i ja usvojim djecu, i to iz Indije. Oni su bili pravi dar u mom životu." Dječak i djevojčica koji su u Dorajin dom stigli s nešto više od godinu dana danas imaju 24 i 25 godina. Doraja i njezin suprug Alexander su jako ponosni na njih, na Teresu i Antoniusa, koji imaju i svoja indijska imena.

Početkom devedesetih, gledajući iz svog doma u Salzburgu slike razorenih domova na Balkanu, a naročito ju je pogodilo bombardovanje Siska, Doraja je odlučila kako mora pomoći ljudima koji su ostali bez ičega. Plavokosa Austrijanka u smeđem *subaruu* našla se na prvim linijama i ostala šokirana





Zahvaljujući Doraji, u BiH je do danas izgrađena 421 montažna kuća za povratnike



Austrijski tim doputovao je automobilima iz Beča kako bi u Srebrenici pomogao onima koji još nemaju svoje kuće

onim što je vidjela. Pitala je ljude kako im može pomoći, a oni su odgovarali da ne žele postati izbjeglice, da žele imati svoje domove. Nije znala šta da radi, pa se vratila u Salzburg. Bio je novembar 1992., i na televiziji je gledala emisiju u kojoj je stotinu ljudi za stotinu sati izgradilo stotinu kuća u Kölnu. Emisija je imala veliku popularnost i u njoj su učesnici radili svakakve podvige pomjerajući granice ljudske snage. "Bingo! Upravo to mi je trebalo!" Došla je do kontakta jednog od graditelja iz emisije i pitala ga samo jedno: "Možete li me naučiti da gradim kuće kao vi?" Čovjek je nije ništa pitao – samo je rekao da može. Prvi korak ka Dorajinoj ideji je bio napravljen. Sjela je i napisala stotinu pisama svojim imućnijim prijateljima, neki su raspolagali drvetom, neki građevinskim materijalom, neki novcem, i projekat se polako kristalizirao. Prvi se javio jedan farmer. Na Božić je izgrađena prva montažna kuća u Hrvatskoj i dosad ih je putem organizacije "Farmeri pomažu farmerima" u toj zemlji napravljeno 1063.

### Sjeme nade

U međuvremenu je čula za dešavanja u Srebrenici, a onda su se stvari odvijale sudbinskim tokom. U decembru 1995. njezina rodica je organizirala humanitarni događaj na kojem su se skupljala sredstva za pomoć ženama iz Srebrenice. Nije prošlo mnogo, rodica je umrla od raka, a u oproštajnom pismu je svoj i pri-



kupljeni novac ostavila Doraja s instrukcijama da nastavi pomagati Srebrenici. Vremenom je Doraja uspjela doći i do Srebrenice i tamo posijala sjeme nade izgrađivši prvu kuću. Bila su to teška iskušenja. Ona i njezini volonteri polazili bi iz Austrije za Srebrenicu u petak popodne nakon posla, subotom i nedjeljom bi gradili kuće, a u nedjelju navečer krenuli bi natrag. U BiH je do danas izgrađena 421 montažna

kuća za povratnike, sve zahvaljujući Doraji. Sad se već svi okreću ka budućnosti, pokrenuli su muzičku školu u Srebrenici i s nadom gledaju djecu koja je pohađaju, talente koji se rađaju pod krovom škole.

A politika? E, tu se našla sasvim slučajno. "Zadnje što sam željela jeste da postanem političarka, a eto, desilo se", kaže. Bila je ministrica s najširim poljem djelovanja i voljela

je sve što je radila: briga o djeci, obrazovanje, porodica, generacijska solidarnost. Kao ministrica odlučila je biti ono što jeste, bez pretvaranja, i to joj je donijelo veliku popularnost. Mijenjala je ministarske navike, nije željela imati sastanke poslije 17 sati, jer su je kući čekala djeca, aplaudirala je političkim oponentima ako bi joj se svidjelo ono što bi rekli. Prije četiri godine odlučila je da je dosta iako je voljela svoj posao, ali shvatila je da želi otići onda kad ona želi, a ne kad

## VIKEND-GRADITELJI Doraja i njezini volonteri polazili bi iz Austrije za Srebrenicu u petak popodne, nakon posla, subotom i nedjeljom bi gradili kuće, a u nedjelju navečer krenuli bi natrag

to bude nečija odluka. I nije prošlo dugo, iz Fondacije Erste stigla je ponuda da postane član njihovog odbora. I za tu odluku je trebalo snage, jer je to značilo da će veći dio vremena provoditi u Beču, a ne u Salzburgu. Lani je postala prva žena Fondacije koja svoj tim vodi čvrstom, ali pravednom rukom te pomaže gdje god može, uvijek vodeći računa o tome gdje se može učiniti maksimum bez rasipanja novčanih sredstava. Zna da nekoliko hiljada eura pametno utrošenih nekom može promijeniti život. Energična Austrijanka uvijek smišlja nove načine da svoj tim usmjeri u projekte pomoći. Dolazak u Srebrenicu bio im je, kaže s osmijehom, božićni poklon. I ponosna je što su na njega sjajno reagirali. ■



## SALON KUPAONSKE OPREME I VODOMATERIJALA



Iz ponude izdvajamo:

- Kupatila i kupaonsku opremu
- Kupaonski namještaj
- Kupaonska galanterija
- Sanitarije
- Vodomatijal
- Ispirni sistemi ...

*Ako treba biti kvalitetno, neka bude laser kvalitetno!*



LASER d.o.o. Sarajevo,  
ul. Džemala Bijedića br.285 71210 Ilidža, Sarajevo  
tel: +387 (0)33 623 406; e-mail: infolaser-sarajevo.ba

armal Roca  
GEBERIT GROHE  
kolpa-san KOIN